

國語翼解

國語翼解卷一

嘉定陳瑑撰

周語

夫兵戢而時動 解戢聚也

爾雅釋詁戢聚也說文戢藏兵也詩曰載戢干戈戢通作輯  
尙書輯五瑞史記作揖五瑞集解引馬融云揖斂也釋詁戢  
本與斂收等字同訓聚說文斂收也瑑案戢本爲凡聚之義  
而許君藏兵之訓戢專屬兵言義尤長左隱公四年傳云夫  
兵猶火也弗戢將自焚也

觀則玩 解玩黷也

易繫辭所樂而玩者馬融曰玩貪也左昭二十六年傳玩求

無度服虔曰玩貪也韋氏於晉語注云玩偷也案貪偷聲相近貪黷義相成故內傳云黷貨無厭說文玩弄也玩貪也春秋傳曰玩歲而愒日翫習馱也春秋傳曰翫歲而愒日是玩與玩翫俱通文選注玩猶愛也又云猶愛弄也翫猶悅也義皆相因

玩則無震 解震懼也

爾雅釋詁震懼也易震卦彖辭震驚百里大雅江漢徐方震驚方言言懼驚也震懼猶震驚也

是故周文公之頌曰 解文公周公旦之謚也頌時邁之詩武王既伐紂周公爲作此詩巡守告祭之樂歌也

案詩序時邁巡守祭告柴望也韋不明言詩序而說與之合

據此亦可以破鄭漁仲魏黃初四年始行詩序之說

肆于時夏 解于於也

案此解全依本經毛鄭爲義其云于於者錢詹事云于於兩字義同而音稍異尙書毛詩例用于字論語例用於字唯引詩書作于今字母家以於屬影母于屬喻母古音無影喻之別也

懋正其德 解懋勉也

說文懋勉也案懋勉猶黽勉也聲並相近

阜其財求 解阜大也

書周官阜成兆民言大成也秦風騶駝孔阜言馬甚肥大也爾雅釋地大陸曰阜言陸之大者也皆以阜爲大

纂修其緒 解纂繼也緒事也

纂續同音亦同義說文續繼也書仲虺之誥續禹舊服幽風載續武功皆訓續爲繼禮祭統則云纂乃祖服漢書班固敘傳纂堯之緒皆以纂爲續緒事也本爾雅釋詁周官宮正云稽其功緒

奕世載德 解載成也

書乃賡載歌傳言續歌以成其義也

勤恤民隱 解恤憂也隱痛也

說文血部卹心部恤俱訓憂也邶風如有隱憂毛傳隱痛也禮檀弓拜稽顙哀戚之至隱也稽顙隱之甚也孟子王若隱其無罪而就死地漢書韓安國傳此仁人之所隱也皆以隱

痛爲義

邦內甸服

解於甸服引商邦畿千里下言侯圻衛圻蠻圻夷圻鎮圻甸俱作圻案圻卽畿左昭二十一年傳天子之地一圻言方千里也故司馬掌封畿之兵甲曰圻父

讓不貢 解讓譴責也

說文讓相責讓也周官掌救萬民之衰惡過失而誅讓之左僖五年傳公使讓之杜注譴責之案讓以譴責爲正義卑讓揖讓皆字之假借漢書揖讓之容作攘則卑讓亦當爲攘

帥舊德而守終純固 解帥循也純專也

禮王制命鄉簡不帥敎者以告鄭注帥循也又漢書循吏傳

蕭曹以寬厚清淨爲天下帥注帥遵也遵猶循也說文尊从  
帥專聲孫愜讀爲常倫切後人遂作蒞是純專一聲案古音  
皆重唇純當爲職倫切音諄則與專近純專者以同聲爲義  
也

其有以禦我矣 解禦猶距也

以距訓禦爲扞拒之義距與拒通釋名距拒也

有三女奔之 解奔不由媒氏也

周官媒氏奔者不禁義謂不禁其爲人妾也曲禮曰奔則爲  
妾

女三爲粲

唐風見此粲者傳三女爲粲一妻二妾也

邵公告曰

案書召誥詩召南皆作召甘棠箋云召伯姬姓名奭食采于召廣韻邵邑名又姓出魏郡周文王子邵公奭之後是邵召通用也史記白起傳周邵呂望之功亦作邵與此經同又內傳召陵史記亦曰邵陵

吾能弭謫矣 解弭止也

玉篇弭止也左襄二十五年傳自今以往兵其少弭矣注弭止也案爾雅釋詁尼定也郭注尼止也止亦定也釋文謝羊而反顧奴啟反尼與弭音近孟子止或尼之

猶其原隰之有衍沃也 解廣平曰原下溼曰隰下平曰衍有  
溉曰沃



廣平二語本爾雅釋地文說文遼廣平之野釋名廣平日原  
原元也如元氣廣大也說文隰阪下溼也溼幽溼也从水一  
所以覆也覆而有土故溼也釋名下溼曰隰隰蟄也蟄溼意  
也左襄二十五年傳并衍沃沃往衍沃平美之地小爾雅澤之  
廣者謂之衍說文沃漑灌也

厲王說榮夷公 解夷謚也

周書謚法解克殺秉政曰夷安心好靜曰夷

左僖二十二年傳正義引作安

民好靖

夫榮夷公好專利 解專擅也

禮坊記示不敢專也中庸賤而好自專皆曰專擅也左桓十  
五年傳祭仲專注亦曰擅也

故頌曰 解頌周頌思文也謂郊祀后稷以配天之樂歌也經緯天地日文

后稷配天亦詩序之說經緯天地則謚法解文也

乃以其子代宣王 解彘之亂公卿相與和而修政事號曰共和

案史記託始共和以前不書甲子以上世荒遠難稽也共和卽後世建元之義則可以共和爲甲子紀元之所自始

宣王卽位不籍千畝

禮祭義天子爲籍千畝諸侯爲籍百畝籍之言借也借民力爲之以供上帝之粢盛也

敦龐純固 解龐大也

左成十六年傳云民生敦厯爾雅釋詁厯大也說文厯石大也方言厯深之大也又云自關而西秦晉之間凡大貌謂之厯或謂之厯

古者太史順時視

音脈土陽癉

丁佐反憤盈

解視視也癉厚也

爾雅釋詁視相也郭注視謂相視也說文視衰視也張衡西京賦視往昔之遺館李善曰視視也爾雅釋文視又作脈亡革反釋詁又云亶厚也癉本音亶同音故同義又癉勞也釋文丁賀反廣雅癉苦也曹憲音多賀反是癉有兩音也

農祥晨正 解農祥房星也

說文房星爲民田時者故曰農祥

日月底于天廟 解天廟營室也孟春之月日月皆在營室也

史記天官書云營室爲清廟禮月令孟春之月日在營室邵  
學士云韋解周語謂孟春日在營室與月令同然月令於孟  
春言昏危中仲冬言昏東壁中不言昏營室中者營室在危  
東壁之間也

土乃脈發 解脈理也

說文脈血理分衰行體者玉篇亦云脈血理也

弗震弗渝 解震動也渝變也

震動本爾雅釋詁易說卦震動也上土氣震發解亦曰震動  
也渝變本爾雅釋言郭注謂變易鄭風羔裘舍命不渝傳亦  
曰渝變也釋文引舍人本渝作糝內傳專之渝注亦曰變也

王其祗祓 解祗敬也祓齊戒祓除也

祗敬亦本爾雅釋詁說文祗敬也

說文示部又有祗字从商示氏聲則神祗之祗

頌長發云上帝是祗金縢罔不祗畏史記作罔不敬畏又釋詁祗福也說文以祗爲除惡之祭言去惡以致福也大雅生民以弗無子鄭箋弗之言祗也疏引孫炎云祗除之福周官女巫云祗除蠱浴

命農大夫咸戒農用 解農大夫田畷也

爾雅釋言畷農夫也郭注今之耆夫是也案田畷亦謂之農率夏小正曰農率均田又謂之田舍月令曰命田舍東郊又謂之司耆小雅甫田鄭箋田畷司耆今之耆夫也此經下文又謂之農正

瞽告有協風至 解協和也風氣和時候至也立春日融風也

淮南天文訓距冬至四十五日條風至錢教授曰周語所謂協風卽條風也呂氏春秋作炎風融炎聲相轉易緯通卦驗亦曰立春條風至條之言調也調卽融融卽和和卽協服虔說條風當生門

王乃漚

之純反

濯饗禮

解漚沃也

攷工記鍾氏染羽漚而漬之鄭注漚沃也案漚本章倫反此云之純反者古音多重唇也

王耕一墾

鉢伐二音

說文作坡治也一曰畱土謂之坡此云二音者亦輕重唇也百姓紀農協功解紀謂綜理也協同也

大雅綱紀四方傳云理之爲紀說文協眾之同和也上協風

解云協和也和與同一也

陰陽分布 解明堂月令曰

錢詹事曰鄭君注月令多引今月令以證文字異同瑑案漢志有明堂陰陽二十三篇在記百三十一篇之外禮記四十九篇小戴傳之劉向錄之鄭君注之其別出于明堂陰陽者則謂之今月令此所謂明堂月令者蓋卽鄭所謂今月令也說文解字亦屢稱明堂月令蔡邕以月令爲周公所作不宜與雜書紀錄並行因旁貫互注撰爲章句然其書久佚今禮所列者乃呂覽十二紀之一也

乃命其旅日徇 解徇行也

廣雅釋言徇巡也王侍御曰徇巡古同聲而通用左桓十三

年傳莫敖使御于師宣四年傳王使巡師是御卽巡也泰誓  
釋文引字詁云御巡也爾雅釋言釋文引字詁云御今巡字  
說文巡視行貌

三時務農而一時講武

案爾雅釋天於四時祭祀之後備舉講武之名邵學士曰講  
武必順乎天時欲若授時之政所爲有事也故次乎時祭以  
列于釋天

乃能媚於神而布施優裕也 解媚說也優饒也裕緩也

媚說優饒皆用說文爲訓裕猶優也說文裕衣物饒也

魯武公以括與戲見王 解武公伯禽之立孫獻公之子武公  
敖也括武公長子伯御也戲括弟懿公也



案史記魯世家伯禽子考公就

考公弟 煬公

煬公子幽公宰

幽公弟 微

公 微公子厲公

厲公弟 獻公

獻公子慎公執

慎公弟 武公

是武爲伯

禽之立孫武公卽位二年子懿公被立被卽戲

世家多記二名如考公就

作首微公

弟又作禮

懿公卽位九年兄子伯御立是伯御與括非一人

伯御漢書作柏御

宣王伐魯立孝公 解孝公懿公之弟稱也

案魯世家伯御卽位十一年叔父孝公稱立是孝公爲懿公

弟章亦同說世家以伯御爲懿公兄子似卽括之子故云叔

父孝公章以括爲卽伯御當別有所據

而敬事耆老 解耆凍黎也

說文耆老人面凍黎若垢从老省句聲經訓言胡耆黃耆耆

長一也

蒐于農隙 解春田曰蒐蒐擇也禽獸懷妊未著搜而取之也

田獵之在四時者春蒐夏苗秋獮冬狩爾雅周禮左傳俱同

惟公羊桓四年傳云春日苗秋日蒐冬日狩何休注苗毛也

明當見物取未懷妊者蒐簡擇幼穉取其大者狩猶獸也冬

時禽獸長大遭獸可取不以夏田者春秋制也以爲飛鳥未

去於巢走獸未離於穴恐傷害於幼穉今韋氏旣曰春田曰

蒐矣下獮於旣烝解曰秋田曰獮獮殺也狩於畢時解曰冬

田曰狩圍守而取之是韋於春蒐秋獮冬狩之名與爾雅周

禮左傳同而不言夏田又與公羊同也穀梁則云春日田夏

曰苗秋日獮冬日狩是名不同而亦有夏田也

禮記疏引何休說運斗樞

黃帝書局

日夏不田穀梁有夏田其義爲短杜預左傳注云蒐索擇取不孕者賈公彥

周禮疏云蒐搜也春時鳥獸字乳搜擇取不孕者皆與章同義又爾雅獮殺也說文獮秋田也鄭注夏官云秋田主用罔中殺者多也詩疏引李巡云圍守取之無所擇也鄭注夏官云言守取之無所擇也獮殺圍守之義亦章與諸家不異也

其君齊明衷正 解齊一也衷中也

中庸齊明盛服卽齊一也衷本通作中衷中以聲爲義案爾雅釋言齊中也則齊與衷同也

其刑矯誣 解以詐用法日矯加謀無罪日誣

左昭二十六年傳云矯誣先王案矯通橋漢書武帝詔作橋

服虔注云稱詐爲橋誣廣韻曰枉也加謀無罪言枉法也

明神不蠲 解蠲潔也

爾雅釋言蠲明也明猶潔也故邢疏引樊光云蠲除垢濁使  
令清明蠲潔聲亦相近

觀其苛慝 解苛煩也

爾雅釋言苛姤也郭注煩苛者多疾姤廣韻苛政煩也

融降于崇山 解崇崇高山也夏居陽城崇高所近

說文新附嵩中岳嵩高山也从山从高亦从松韋昭國語注  
云古通用崇字是大徐所見韋注本有此句以是推之則韋  
義之傳于今者脫落不少也後漢郡國志潁川陽城有嵩高  
山注禹貢有外方山卽嵩也

回祿信於聆

音禽隧

解再宿爲信聆隧地名也

爾雅釋訓有客信信言四宿也左莊四年傳再宿爲信說文聆國語曰回祿信於聆遂闕

梅杙次于丕山

解過信日次丕大邳山

過信爲次亦見左氏傳禹貢至于大伾史記作邳一作岨

杜伯射王于郟

解郟郟京也

郟卽鎬後漢馮衍

傳西顧豐鎬注云文王都鄠武王都鎬然

說文邑部鄠周文王所都郟常山縣世祖所卽位今爲高邑金部鎬武王所都在長安則鎬京之鎬當以从金者爲正文从邑者爲假借也

實曰爽德

解爽貳也

爾雅釋言爽差也爽忒也俚忒也三語連文郭注皆謂用心  
差錯不專一邵學士云衛風女也不爽士忒其行此釋之也  
忒說文作忒失常也周語云實有爽德月令無或差貸義皆  
相通

丹朱憑身以儀之 解儀匹也詩云實惟我儀

爾雅釋詁儀匹也郭注引詩實惟我儀及國語丹朱憑身以  
儀之爲訓書鳳皇來儀鄭注儀匹也大雅我儀圖之箋亦云  
儀匹也

奉犧牲玉鬯往獻焉 解玉鬯鬯酒之圭長尺二寸有瓚所以  
灌地降神之器也

攷工記裸圭尺有一寸有瓚鄭注裸之言灌也裸謂始獻酌

奠也瓚如盤其柄用圭有流前注戴吉士曰瓚勺也大小之度當如三璋之勺記者文互見多矣漢志瓚大於古典瑞注云漢禮瓚棨大五升口徑八寸下有槃口徑一尺

夏書有之日眾非元后何戴

解夏書逸書也

其文今見僞古文大禹謨篇

在湯誓曰余一人有罪無以萬夫

解湯誓商書伐桀之誓也

今湯誓無此言則散亡矣

其文今見僞古文湯誥篇盧學士曰白田王氏

名懋竑  
實應人

之言

曰東晉所上之書疑爲王肅東哲皇甫謐輩所擬其時未經永嘉之亂古書多在採摭綴緝無一字無所本古聖賢之格言大訓往往在是則僞尙書古文有斷不可廢者案此解一

爲夏書逸書一爲湯誓逸文而僞古文擬湯誥者亦王氏所云特其文氣緩弱辭意不相連屬也

是故祓除其心 解祓猶拂也

前祓祓解旣云祓除矣此云祓猶拂者以聲爲義也

崇立於上帝 解崇尊也

案崇尊亦以聲近爲義崇从宗得聲錢詹事曰宗與尊相近故春秋傳伯宗或作伯尊猶前無有祈也解祈求也亦聲近爲義錢亦曰求本衣求字借爲求與之義求祈聲相近故又有渠之切之音後人於求加衣仍取求聲非衣聲也

日恪位著音以儆其官 解中庭之左右曰位門屏之間曰著

也



說文位列中庭之左右謂之位爾雅釋官中庭之左右謂之位門屏之間謂之宀宀通作著齊風侯我於著左昭十一年傳朝有著定皆與此經同

疊疊怵惕 解疊疊勉勉也

疊疊勉勉亦一聲相轉大雅鳧鷖在疊爾雅夔亦苗皆有門音借以爲屮勉之勉械樸勉勉我王荀子富國篇引作疊疊其證也疊本从文作疊當爲奮隸變爲疊又讀爲眉古鐘鼎文眉壽字亦多作夔夔从夔省从酉分聲疊从夔省从酉文聲故有門音轉爲眉又轉爲勉也

秦人殺子金子公 解子金呂甥子公卻芮之字也

呂甥內傳又稱瑕呂節甥王尚書曰瑕呂節甥字子金節助

古通

周頌賚我來牟漢書  
向傳引作節我釐粃

子金者指所貽而言猶得亞字

子玉指所得而言也舉金玉者貴之也卻芮字子公者芮小

也公大也說文芮芮草生貌徐鍇繫傳芮芮細貌潘岳西征

賦藪芮於城隅李善注引說文云芮小貌

藪芮是藪亦訓  
小見左昭七年藪

爾因  
杜注

尸子廣澤篇云公大也

爾雅釋  
詁疏

釋名公廣也廣亦大也

田廣明字子公見漢書酷吏傳

晉侯端委以入

解說云衣玄端冠委貌諸侯祭服也昭謂此

士服也諸侯之子未受爵命服士服也

案內傳云太伯端委以治又云晏平仲端委立於虎門周禮

云弁冕端委以治凡言端委者皆玄端委貌卽玄冠玄端也

說以爲諸侯之祭服者玉藻曰諸侯玄端以祭鄭氏孫氏皆

讀端爲冕孫叔然曰玄冕祭服之下也其祭先君亦裨冕矣  
韋以爲士服者魯語列士之妻加之以朝服彼注云諸侯之  
士玄端委貌蓋卽特牲饋食禮所謂主人冠玄端是也士冠  
禮所謂服玄冠玄端與贊見于君也則玄端委貌之卽玄冠  
玄端爲諸侯祭服之下者而爲士服審矣禮諸侯受爵命于  
王王賜之服因得以如其命數自爲之所謂裨冕也今晉侯  
服土服以未受王命故及太宰以王命命冕服韋云冕大冠  
服鷩衣蓋周禮所謂侯伯之服自鷩冕而下如公之服也

益陽蔡 芳初校

南海羅崇齡覆校

番禺陶福祥再覆校

國語翼解卷一終

國語翼解卷二

嘉定陳瑒撰

周語

兄弟讒鬪 解鬪佞也

經注鬪俱當作鬪說文鬥部文佞當爲很說文很不聽从也  
戴吉士曰爾雅釋言鬪恨也毛公傳小雅兄弟鬪于牆鬪很  
也鄭康成注曲禮很毋求勝很鬪也二字轉注義出爾雅廣  
韻云俗作狠若从人作佞集韻音恆後漢蔡邕傳董卓自佞  
用

杞繒由大妣

春秋左氏傳作鄆僖四年鄆子來朝注鄆國在琅邪鄆縣說

文亦作鄆姒姓國在東海穀梁作繒僖十四年傳季姬及繒子遇于防史記亦作繒吳世家敗齊師於父獲至繒注瓊瑀繒縣又夏本紀禹爲姒姓其後分封用國爲姓爲有繒氏鄆爲正字繒爲假借字

昔鴈之亡也由仲任 解鴈姒姓之國取仲任氏之女爲鴈夫人唐尚書曰鴈爲鄆武公所滅

日知錄言姓本於五帝見於春秋者二十二姒姓之國有鄆偃陽而不及鴈唐尚書以鴈爲鄆所滅卽指春秋隱元年鄆伯克段於鄆之鄆杜云今潁川鄆陵縣釋文於晚於建於然三音廣韻二仙收鄆云鄆陵縣名又於晚切亦作僞去聲二十五願收鄆云地名在楚地是則路史國名紀所云楚之鄆

都襄陽之宣城也說文鄆南郡縣孝惠三年改名宣城則楚地之鄆與鄆地之鄆陵有別後漢郡國志潁川郡鄆陵春秋作鄆俗作僞今鄆陵之鄆作臨與郡國志同

百姓兆民 解百姓百官也官有世功受氏姓也

書平章百姓傳曰百官族姓酒誥曰越百姓里居

王其以我爲對乎

爾雅釋言對怨也說文對恚也

請隧焉 解賈侍中云隧王之葬禮昭謂隧六隧也

左僖二十五年傳云請隧惠徵士云杜依賈逵以爲王之葬禮韋昭曰隧六隧之地見周禮此可備一說珠案賈韋之說皆是也其實韋兼用賈義卽以本經證之本經云王勞之以

地辭請隧焉王不許曰昔我先王之有天下也規方千里以爲甸服以供上帝山川百神之祀以備百姓兆民之用以待不庭不虞之患其餘以均分公侯伯子男云云據此則晉顯係請六隧之地故王據天子規甸之制以折之然晉既辭所勞之賜地而不受矣又何取乎六隧之地請隧者蓋請六隧之地開地通路爲天子之葬禮本經又云亦唯是死生之服物采章是晉請於六隧開地以爲葬禮故王又引死生之服物以示之韋於下注云采章采色文章也死之服謂六隧之民引王柩輅也然則天子之葬禮曰隧者於六隧之地開地通路卽用六隧之民引王柩輅非僅掘地及泉隧之謂韋旣據周禮以六隧爲隧未嘗不兼用賈氏葬禮之說

而縮取備物 解縮弘也

案縮字之義玉篇曰退也止也儀禮注曰從也孟子注曰羞也無以弘爲訓者戰國策縮于財用則匱高誘曰縮歎也縮之反也韋以弘訓縮取相反之義爲訓猶亂訓治之例然不如依爾雅義爲長釋詁縱縮亂也注縱放掣縮皆亂法也此經蓋謂音文亂法以取備物故曰縮取說文亦本爾雅爲義云縮亂也

今將大泯其宗祊 解廟門謂之祊

說文作禳門內祭先祖所以彷彿也重文爲祊小雅視祭于祊傳祊門內也孝子不知神之所在使祝博求之門內之旁禮器設祭於堂爲祊乎外注祊明日釋祭也謂之祊者於廟



門之內因名焉正義曰祔有二義一正祭時祭神於廟復求神於廟門內一明日釋祭時設饌於廟門外西室今日廟門謂之祔蓋專指廟門之祭言之猶曰廟門之祭謂之門內外也

將蠻夷戎狄之驕逸不虔

魯語糾虔天刑韋彼注云虔敬也

且夫陽豈有裔民哉 解裔民謂凶惡之列放在荒裔者也

史記五帝本紀乃流四凶族遷於四裔賈逵曰四裔之地去王城四千里

定王享之餽烝 解烝升也升折俎之解也

爾雅釋詁烝進也此以雙聲爲義禮月令大飲烝正義亦云

烝升也升此牲體於俎之上此疊韻爲義進與升同義說文烝火氣上行也

王公立飫則有房烝 解房大俎也詩云籩豆大房謂半解其體升之房也

案古音多重唇古讀房如旁故房義亦爲旁也文房室在旁也釋名在邊曰旁玉篇旁猶側也非一方也古讀方亦重唇儀禮大射禮左右曰方注旁出也房有旁義以半解其體曰房烝俎於下文故設飫禘焉解曰飫半體也禘全體也故王公立飫則有房烝

夫戎狄冒沒輕儷

案輕儷猶輕賤也錢少詹曰鄭注表記儷焉爲可輕賤之貌

蓋取僂賤聲相近冒沒猶蒙昧亦聲相近

奉其犧象 解犧尊飾以犧牛

說文尊酒器也从酋从甘周禮六尊犧尊象尊著尊壺尊太尊山尊今周禮作獻尊鄭司農讀獻爲犧珠案鄭志荅張逸問曰犧讀如沙沙鳳皇也刻鳳皇之象于尊其形娑娑或有作獻字齊人之聲誤耳阮誥禮圖云犧尊飾牛先鄭禮注云犧尊飾以翡翠諸家俱以飾爲義鄭志謂刻鳳皇之象而取其形娑娑亦以飾爲義證以韋氏此解益信惟王肅則云齊子尾送女有犧尊以犧牛爲尊蓋謂尊形如牛而背上負尊肅好與鄭立異故多異說

野有廩積 解唐尚書云十六斗曰庾昭謂此庾露積穀也詩

云曾孫之庾

案唐說非也包咸論語注杜預左昭二年傳粟五千庾注俱云十六斗曰庾與唐尙書同誤蓋讀庾如藪以儀禮簋之實當庾也其實庾之實當以攷工記庾實一穀爲義穀斗二升則庾爲二斗四升無十六斗也此經亦不當以庾實之多少爲義說文庾水槽也一曰倉無屋者釋名庾裕也言盈裕也露積之言也盈裕不可稱受所以露積之小雅曾孫之庾傳露積曰庾韋蓋據此爲義又隋書天文志天倉西南四星曰天庾積儲粟之所

侍兩宿榻

案春榻卽春築也左宣十一年傳稱春築方言築埤匹也注

關西兄弟婦相呼爲築婁廣雅作妯婁曹憲音逐築榻疊韻  
故韋云具爾舂榻將以築作也

九年楚子入陳 解旣滅陳而復封之故曰入也唐尙書云遂  
取陳以爲縣誤也

案春秋宣十一年經書丁亥楚子入陳杜以爲楚欲縣陳後  
得申叔時諫乃復封陳不有其地故書入此與韋同義然唐  
尙書豈未檢春秋而有此誤乎夫傳明云因縣陳今縣陳矣  
因縣今縣者已然之詞也蓋已規畫其地爲郡縣之制以夷  
於九縣也王聞申叔之言而善之曰反之可乎反者反其民  
人土地也而其已分爲縣陳之制不待反也故亦未嘗改也  
又案惠徵士左傳補注因縣陳云廣韻縣郡縣也釋名曰縣

懸也懸于郡也古作寘楚莊王滅陳爲縣縣名自此始也是  
劉熙亦以楚爲已縣陳矣故唐尙書云然

且其狀方上而銳下

狀之爲言陳也狀陳雙聲莊子自狀其過不狀其過言自陳  
不陳也史記夏本紀鯀之治水無狀索隱曰言無功狀蓋無  
功可陳也左傳獻狀晉令曹以罪自獻陳也古者聘問之辭  
書于簡牘以自陳於與國通謂之狀今諸侯之大夫聘於天  
子亦謂之狀玉篇狀形也又書狀

使卻至告慶于周

周禮小行人之職曰若國有福則令慶賀之注徒稱曰慶加  
物曰賀則慶賀天子待諸侯之禮也故晉使卻至告慶于周

晉不知乘 解乘陵也

乘食陵切乘陵同音故以陵爲義

旅力方剛 解旅眾也

旅力句本小雅北山之詩錢詹事曰一句而一疊韻一雙聲  
王侍御懷祖先生亦曰旅力一聲之轉耳毛傳以爲旅眾也  
失其義矣豫案說文呂春骨也重文作齋云春彊則力壯呂  
齋本一字齋省爲旅尙書旅力旣愆亦省齋作旅韋氏眾也  
之訓本毛傳而不得其義

兵在其頸

說文兵械也左定十年傳齊使萊人以兵劫公孔子以公退  
曰士兵之世本蚩尤以金作兵兵有五一弓二矢三矛四戈

五載蓋古者謂器爲兵不若後世之以卒伍爲兵也證以此經益信月令命將帥選士厲兵後世以卒伍爲兵始此怨在小醜猶不可堪而況在侈卿乎

小醜言醜類之同等者左定四年傳云將其醜類禮學記比物醜類方言醜同也東齊曰醜侈卿則謂卿之有世祿者書周官祿不期侈是其義也

佻天之功 解佻偷也

說文亦曰佻偷也左傳曰貪天之功案佻偷貪三字皆一聲之轉

吾非瞽史焉知天道

錢少詹曰經典言天道者皆以吉凶禍福言易天道虧盈而



益謙春秋傳天道多在西北天道遠人道邇吾非替史焉知天道竈焉知天道古文尙書滿招損謙受益時乃天道天道福善禍淫史記天道無親常與善人皆此道也鄭康成注論語云天道七政變通之占與春秋易義正同孟子云聖人之於天道也亦謂吉凶陰陽之道聖人有所不知故曰命也故韋氏據太師執同律以聽軍聲而詔吉凶爲義太師注如師曠歌南風而知南風不競

目以定體 解體手足也論語曰四體不勤也

案於義當引中庸勸乎四體孟子猶其有四體也今引論語者以論語在前也

晉侯爽二 解爽當爲喪字之誤也

案爽喪非字之誤亦字之假耳爽喪聲相轉故義可假卽以爽字本義言之釋言爽差也忒也詩女也不爽傳亦本爾雅爲義云差也爽二者言首侯視與步有差忒方言爽過也義亦同差忒

下章經緯不爽解章亦云爽差也

厚味寔腊毒 解腊亟也讀若廣昔酒焉味厚者其毒亟也

鄭語毒之酉腊者其殺也滋速韋於彼注曰腊極也瑑案極从亟聲極猶亟也又案漢書五行志味厚者腊毒注腊久也味厚者爲毒久也郊特性猶明清與酸酒于舊澤之酒也注爲其味厚腊毒也釋文釋音腊隱義云腊久也久酒有毒皆以久訓昔久亟以相反爲義聲亦相近

天六地五數之常也 解天有六氣謂陰陽風雨晦明也地有

五行金木水火土也

漢書天文志引此文志并引春秋傳天有六氣降生五味以足成其義案文見左昭元年傳杜預曰金味辛木味酸水味鹹火味苦土味甘皆由陰陽風雨晦明而生孔氏正義曰先儒以爲雨爲木味風爲土味晦爲水味明爲火味陽爲金味而陰氣屬天不爲五味之主此杜所以不用也錢少詹曰周禮大宗伯賈疏左氏傳云天有六氣降生五味卽五行之味也鄭義太陽不變陰爲金雨爲木風爲土明爲火晦爲水與春秋孔氏正義所云不同當从賈氏漢志又云夫五六者天地之中合而民所受以生也故日有六甲辰有五子十一而天地之道畢孟康曰天陽數奇一三五七九五在其中合六

甲之中惟甲寅無子故有五子然則天六地五者猶之天五地六也蓋必合五六爲天地生成之數也

文王質文 解質文其質性有文德也

禮器禮釋回增美質注質猶性也珠案有質性斯有文德故先王之立禮也有本有文

遇乾之否

惠徵士左傳補注王充曰卜曰逢筮曰遇尙書金縢乃逢是古今尙書作並之字義訓亦反漢高祖諱邦荀悅曰之字國惠帝諱盈之字滿亦此類

吾聞之大誓 解大誓伐紂之誓也

珠案韋氏於襄王賜晉惠公命湯誓曰解曰湯誓尙書伐桀

之誓也今大誓不稱周書者以大誓不在伏生口授二十八篇之數也錢詹事曰馬季長言大誓後得按其文若淺露又舉春秋國語孟子孫卿禮記所引五事以疑之至東晉古文出別有大誓三篇其實景武之世已有之故武帝初董仲舒對策引大誓白魚入于王舟二十二字可證伏生壁藏之大誓與後得之大誓本無二本也以不在伏生口授二十八篇之數故云後得孔安國得壁中古文以考二十九篇得多十六篇所云二十九篇者即伏生之二十八篇及大誓也惠徵士云今文大誓三篇其略見於太史公書史公從安國問故其載當可信唐人尊信晚出之大誓而以今文大誓爲僞非也又案韋氏於郤至告慶於周節引書曰民可近也解曰書

逸今不稱周書亦不云逸書益知今文之大誓非僞而孔穎達詆爲僞者妄也

穀洛關

穀廣韻作澗云水名集韻亦从水云水名出河內關本都侯切又轉爲都故切郭璞流寓賦涉幽谷之高關壯斯世之險固遇王城之丘墟想穀洛之合關蓋漢晉之間韻書未出語言輕重則有之未有此疆爾界之部分也

昔共工棄此道也 解賈侍中云共工諸侯炎帝之後姜姓也顓頊氏衰共工氏侵陵諸侯與高辛氏爭而王也或云共工堯時諸侯爲高辛所滅昭謂言爲高辛所滅安得爲堯諸侯又堯時共工與此異也

劉子駿三統世經據春秋昭十七年傳共工氏以水紀故爲水師而水名而爲之說曰郟子據少昊受黃帝黃帝受炎帝炎帝受共工共工又受太昊故先言黃帝上及太昊稽之于易炮犧神農黃帝相繼之世可知是劉以共工在炎帝之前也故世經先太昊次共工曰祭典曰顏師古曰祭典卽禮經祭法也共工氏

伯九域言雖有水德在火木之間非其序也任知刑以疆故

伯而不王

錢詹事曰郊祀志考其工氏以水德開于木火與秦同運非其次也故皆不永

又次炎帝

曰易曰炮犧氏沒神農氏作言共工伯而不王雖有水德非

其序也以火承木故爲炎帝

孔穎達曰帝系世本皆謂炎帝卽神農氏炎帝身號神農代號

也謹周古史考以爲炎帝與神農各爲一人

瑑案邃古之初荒忽無據讖緯所述

三皇之名第已不能盡合劉子駿依易春秋之例斷自炮犧

以來極爲有識劉以共工爲炎帝前賈以共工爲炎帝後各尊所聞可也又錢詹事曰賈遠以烈山爲炎帝之號帝王世紀云神農本起烈山蓋初封烈山爲諸侯後爲天子猶帝堯初爲唐侯也豫謂賈氏此注以共工諸侯蓋亦謂初封諸侯後爲天子故曰與高辛氏爭而王也祭法先厲山次共工此賈說所本

共之從孫 解從孫昆季之孫也

案從孫之文可補爾雅釋親父之世父叔父爲從祖祖父有從祖則應有從孫矣又韋氏於前節三而昇驥之孫解曰自孫已下皆稱孫詩曰周公之孫謂僖公也則昆季之孫亦謂昆季之孫之已下者耳



汨越九原 解越揚也

爾雅釋言越揚也郭注謂發揚案越發同音故韋於晉語播於外而越於民注亦曰揚也而於使越於諸侯注曰發聲聞也

宅居九隩 解隩內也

爾雅釋地厓內爲隩注別厓表裏之名大雅芮鞠之卽菱水之內曰隩蓋隩與澳通內曰隩本以水得名說文隩水隈厓也澳隈厓也其內曰澳廣韻隩本作澳水內曰隩隩本以水之內得名引申之爲凡內之稱禹貢四隩旣宅是也

故天無伏陰

春秋閏四年傳云夏無伏陰月令季春行秋令則天多沈陰

淫雨蚤降

下文水無沈氣  
解曰沈伏也

地無散陽

解散陽李梅冬實也

冬無愆陽亦見春秋傳惠徵土據周書時訓解以補注曰草

木不黃落是爲愆陽珠案漢志三統術曰元歲之閏陰陽災

三統問法錢詹事曰每一元歲中

四千六百  
一十七歲

有水旱災歲五

十七然則天地之數氣運之互爲乘除本不能無陰陽之災

況又違戾作忒以干天地之和乎

火無災燁

解燁焱起貌天曰災人曰火

春秋宣十六年傳人火日火天火日災說文玉篇廣韻俱云

燁炊也春秋昭二十年傳燁之以薪杜亦云炊也

謂其能以嘉祉殷富生物也

解姒猶祉也

此以鼻韻爲訓也

氏曰有呂謂其能爲禹股肱心膂

說文呂脊骨也象形昔太嶽爲禹心呂之臣故封呂侯重文爲膂曰篆文呂从肉从旅

申呂雖衰齊許猶在 解申呂四嶽之後商周之世或封於申齊許亦其族也

史記三皇本紀神農五百三十年而軒轅氏與焉其後有州甫申呂皆姜姓之後詩不與我戍申傳申姜姓之國說文許沖上書云曾曾小子祖自炎神縉雲相黃共承高辛太岳佐夏呂叔作濟俾侯于許世祚遺靈說文木作𣎵炎帝太嶽之肩甫侯所封許則字之假借也廣韻許出高陽汝南本自姜

姓炎帝之後太嶽之胤其後因封爲氏

命姓受氏

解祀或爲氏

下文作命  
姓受氏

古者是氏同聲通用儀禮太史是右注是古文爲氏易祗既  
平釋文京房作禋說文引易亦作禋祀或爲氏亦同聲通口  
歟春秋隱八年傳云胙之土而命之氏

省其典圖刑法

解典禮也圖象也

易曰故觀其會通以行其典禮周禮丹圖注丹圖雕器篋篋  
之屬有圖象者何晏景福殿賦圖象古昔以當箴規  
而滑夫二川之神 解滑亂也

廣韻滑亂也出列子讀與措同戶骨切廣雅猾亂也

佐饑者嘗焉

解饑烹煎之官也

周禮天官之屬有內饗外饗

其飾彌章 解彌終也言見禍亂之戒不恐懼循省也

詩誕彌厥月傳彌終也循省當作修省

至于今未弭 解弭止也

玉篇弭止也春秋襄二十五年傳兵其少弭矣杜注亦云  
止也

而少光王室 解少猶裁也

裁有節省之義與少義相因又裁通縱廣韻縱僅也亦少  
之義也呂氏春秋長見篇至於艱存高誘注覲裁也漢書  
仲舒傳注厯少也廣雅董少也

王無亦鑒于黎苗之王 解黎九黎苗三苗

本書曰少皞氏之衰九黎亂德民神雜揉家爲巫史民懷  
盟禍災荐臻顛頊受之其後三苗復九黎之德堯復育重黎  
之後

及夏商之季

釋名叔父之弟曰季父季癸也甲乙之次癸最下季亦然也  
王侍御曰凡言季穉末之義也

或在畎畝 解賈侍中云一耦之發廣尺深尺爲畎百步爲畝  
昭謂下曰畎高曰畝畝壟也書曰異畝同穎

案賈說本考工記匠人又漢書食貨志亦云后稷始剛田以  
二耜爲耦廣尺深尺曰剛書洛賦繪距川傳云一畝之間廣  
尺深尺曰畎步百爲畝則司馬法之文也韋說則本爾雅爲

義釋上如畝畝上郭注上有隴界如田畝高曰畝則下曰畝  
矣乾鑿度聖人畝流大道謂疏通流注者皆曰畝故下曰畝  
也蓋賈以散文言韋以對文言也異畝同類則書歸禾序文  
許叔重於說文日部旻稱虞書曰仁閱覆下則稱旻天今書  
無此文見書傳錢詹事謂許君往往取經師之說爲經之正  
文今韋氏以書序爲書曰正同許例

許於日部相下引易日  
地可觀者云云亦說易  
家之  
文也

由欲靖民也 解靖治也

詩小雅俾予靖之傳靖治也案靜治聲也故韋於上文始基  
靖民既解曰靖安也而於此復列以聲爲義

民之憲言

大三百八十六  
小二十七

禮內則五帝憲三王有乞言五帝憲養氣體而不乞言

身聳除潔 解聳懼也

左成十四年傳云大夫聞之無不聳懼 琰案段大令曰懼从  
雙省聲說文懼懼也引春秋傳曰駟氏懼今作聳廣韻引作  
駟氏懼先大夫曰昭六年傳聳之以行漢書引作懼眾經音  
義聳古文竦懼慙三形說文心部又有慙驚也讀若悚

重之不以殺 解殺雜也

說文殺相雜錯也漢書董仲舒傳賢不肖混殺蓋古者有殺  
之肴止作肴說文肴啖也殺亂之殺从殳作殺其从水作滄  
以爲混淆之義者則字之滋益也廣雅殺亂也

昊天有成命頌之盛德也 解盛德二后也謂成王卽位而郊



見推文武受命之功以郊祀天地而歌之也

其詩曰昊天有成命二后受之成王不敢康解言昊天有所

成之命文武則能受之謂修己自勸以成其王功非謂周成王身也賈鄭唐說皆然

自詩序以至漢唐諸儒皆以昊天有成命爲郊祀天地之樂

歌文王受天命成其爲王業其詩作在周公成王之世解於

成其王功非謂成王身特詳言之者以下文有是道成王之

德也

解曰是詩道文武能成其王德也

成王能明文昭能定武烈云云恐誤

認成王之功爲成王誦也然宋儒卽據是道成王之德三

定昊天有成命爲祀成王之詩蓋羣早見及之

熙廣也解鄭司農云廣當爲光虞亦如之

爾雅釋詁風光也郭注引詩學有緝熙于光明邵學士引此  
經及韋解而申之曰鄭康成虞翻俱以熙爲光古者爲  
字通用荀子禮論積厚者流澤廣大戴作流澤光故釋言三  
枕充也戴吉士謂枕卽橫案記號以立橫鄭注橫充也孔子  
閒居篇以橫於天下鄭注亦曰橫充也堯典古本必有作橫  
被四表者橫被廣被也後漢書馮異傳橫被四表班固西都  
賦橫被六合漢書王莽傳昔唐堯橫被四表高誘淮南子耕  
讀枕車之枕是漢人橫枕通用也先大夫曰眾經音義卷十  
四作枕古文牘橫二形聲類作軌車下橫木也珠案說文引  
詩兕觥作兕觥釋畜回毛在背闕廣釋文廣音光

室家之壺 解壺柵也

爾雅宮中街謂之壺說文壺宮中道从亞象宮垣道上之形  
栢門楸也壺栢義微別此同聲爲訓

膺保明德 解膺抱也

說文膺胸也胸膺也故卽以懷抱爲義書曰保抱攜持  
以混厚民人者 解混同也

廣雅釋詁提同也王侍御曰提與混同方言提絆同也宋衛  
之間曰絆或曰提

闕石和鈞 解闕門闕之征石今之斛也言征賦調可則王之  
府藏常有也一曰闕衡也

琢案說文闕以木橫持門戶也橫衡字異義同古書多通用  
則以後說爲長闕訓衡則石與鈞爲對文漢書鈞者均也

施其氣陰化其物者皆得成就平均也權與物鈞重萬一千五百二十銖當萬物之象也四百八十兩六旬行八節之象也三十斤成鈞者一月之象也石者大也權之大者也始於銖兩於兩明於斤均於鈞終於石物終石大也四鈞爲石者四時之象也蓋石與鈞皆量度之名故當關之和之關衡也衡平也衡所以任權而均物平輕重也

數澤肆既 解肆極也既盡也

爾雅釋言肆力也郭注肆極力說文訓究爲深肆極也廣雅釋詁既盡也案肆既極三字聲俱相近下文其竭也無日矣解竭盡也則竭極亦字異義同

而爲潢汙也 解大曰潢小曰汙

說文潢積水也沔濁水不流也一日窟下也水積則大下則小故韋氏云然案潢汙聲相轉故義相因

而翳其人也 解翳猶屏也 一日翳滅也

方言翳掩也廣雅釋詁翳障也

韋於楚語解亦曰障也

廣韻翳隱也蔽

也義皆與屏相近又廣雅隱翳也王侍御曰短牆謂之隱屏風謂之依其義一也塚案孫子行軍篇軍行有險阻潢井葭葦山林翳蒼者魏武帝注云翳蒼者可屏風之處也此以屏訓翳之明證其云一日翳滅也亦見廣雅釋詁夷滅也翳與依夷皆同音

耳之祭和也在清濁之間 解清濁律中之變黃鍾爲宮則濁大呂爲角則清也

五聲之用益以二變爲七音其下於徵曰變徵高於清宮曰變宮七音相生之次宮徵商羽角變宮變徵七音清濁之次宮商角變徵羽變宮而八十四聲旋宮之法則以七音相生爲次黃鍾爲宮林鍾爲徵太簇爲商南呂爲羽姑洗爲角應鍾爲變宮蕤賓爲變徵次則大呂爲宮又次則太簇爲宮夾鍾爲宮姑洗爲宮仲呂爲宮蕤賓爲宮林鍾爲宮夷則爲宮南呂爲宮則大呂爲角矣又次則無射爲宮應鍾爲宮而八十四聲旋矣夫南呂爲宮承乎夷則爲宮夷則爲宮而黃鍾爲角南呂爲宮而大呂爲角則大呂之角實承乎黃鍾之宮也故曰大呂爲角則清也又呂氏春秋適音篇曰黃鍾之宮聲之本也清濁之衷也音律篇曰黃鍾生林鍾林鍾生太

簇太簇生南呂南呂生姑洗姑洗生應鍾應鍾生蕤賓蕤賓  
生大呂大呂生夷則夷則生夾鍾夾鍾生無射無射生仲呂  
三分所生益之一分以上生三分所生去其一分以下生黃  
鍾大呂太簇夾鍾姑洗仲呂蕤賓爲上林鍾夷則南呂無射  
應鍾爲下蓋爲上爲七者以半律上生爲下爲五者以全律  
下生也江氏永曰黃鍾生林鍾不以全律下生而以半律上  
生則黃鍾之宮位乎清濁之間在其前者有林鍾夷則南呂  
無射應鍾五全律爲濁而下生乎清在其後者有大呂太簇  
夾鍾姑洗仲呂蕤賓六半律而上生乎濁也是則清濁之間  
大是黃鍾之宮而大呂次黃鍾之後故韋以黃鍾大呂分清  
濁也

律度量衡於是乎生

書曰同律度量衡案攷工記與氏爲量權之準之量之深尺內方尺而圓其外重一鈞其聲中黃鍾之宮方氏希原曰此器實兼律度量衡方尺深尺則度也實一補則量也重一鈞則衡也聲中黃鍾之宮則律也內方外圓則方圓羃積少廣旁要之理賅而具也古人制一器而法度咸備者以其由黃鍾所生也

聲以和樂律以平聲 解賈侍中云律黃鍾爲宮林鍾爲徵太簇爲商南呂爲羽姑洗爲角

此六十律旋宮之法也淮南子曰戊子爲黃鍾之宮庚子爲無射之商壬子爲夷則之角甲子爲仲呂之徵丙子爲夾鍾



之羽黃鍾爲宮則在戊子若黃鍾爲商則在庚子爲角則在壬子爲徵則在甲子爲羽則在丙子黃鍾爲五子五子爲五聲也

越之匏竹 解越謂爲之孔也

儀禮鄉飲酒二人皆左何瑟後首挈越注越瑟下孔也

而行之以遂八風 解東北曰艮爲匏爲融風

案八風詳見淮南天文訓許叔重注亦備詳八卦方位及八音之器惟融風淮南作條風許注曰艮卦之風一名爲笙也錢教授日史記律書云條風居東北主出萬物條之言條怡萬物而出之故曰條風呂氏春秋有始覽云東北曰炎風高誘曰炎風卽氣所生一曰融風是條風卽炎風融炎聲相轉

珠案洛誥無若火始  
燄燄史記作庸庸 條者調也調卽融矣周語云立春五日

警告有協風至亦卽此風也易通卦驗云立春條風至宋均  
注云條風者條建萬物之風是也樂記云良主立春樂用埙  
此用笙者服虔左氏傳注良音匏其風融匏卽笙

且民所曹好 解曹羣也

詩公劉乃造其曹傳曹羣也史記平準書分曹循行郡國注  
曹輩也楚辭招魂分曹並進注曹耦也義皆相近

爾老耄矣 解八十曰耄

曲禮八十九曰耄錢詹事曰陸德明釋文本或作八十曰  
耄九十日耄蓋禮記古本也毛傳說文及王肅注易郭璞注  
爾雅皆主曲禮爲義漢人說耄服虔馬融曰七十何休曰六

十義各不同要當以八十爲正也。璩案耄亦當主曲禮九十爲義。說文亦云年九十曰耄。耄釋名云七十今韋云八十義亦各異要當以九十爲正也。

律所以立均出度也。解均者均鍾木長七尺有絃繫之以均。後漢律麻志冬夏至陳八音聽五均注均長七尺繫以絲以節樂音。

古之神瞽 解死以爲樂祖祭於瞽宗

解本周官大司樂文禮明堂瞽宗殷學也。注樂師瞽矇之所宗。故謂之瞽宗。

天之道也 解天之數不過十二

案數不過十二故甲乙之幹十寅卯之枝十二地以承天也。

漢志歲中十二以三統乘四時周官馮相氏十有二歲十有二月皆其義也

夫六中之色也節 解十一月云云

漢書天文志云初九律之首陽之變也因而六之以九爲法得林鍾初六呂之首陰之變皆參天兩地之法也孟康曰三三而九二二三而六參兩之義也

所以宣養六氣九德也 解十一月陽伏於下物始萌

案十一月陽氣動于黃泉入地中八寸一分故制爲陽律之首候之而其管長九寸以九自乘之得八十一蓋由十月陽氣窮于地上迫地面四寸十分故以應鍾候之而應鍾之數四十二以四十二較八十一不及者三十九則此三十九若

減應鍾本律三分爲十一月律氣應之限其應鍾之四十二  
分居十月十一月之間卽陽氣從下而處也蓋十一月之律  
八十一減五爲大呂此陽氣之驟長也自後每月減四至仲  
呂則減三爲蕤賓所長微矣自蕤賓以後月減三分至應鍾  
盈月又減三分而陽氣復萌矣

四間林鍾 解六月林鍾坤初六也

案六律首十一月以十一月之律爲乾初九由是而正月九  
一二三月九三五月九四七月九五九月上九乾貞於子也六  
呂首六月以六月之律爲坤初六由是而八月六二十月六  
三十二月六四二月六五四月上六坤貞於未也

昔武王伐殷歲在鶉火 解謂武王始發師東行時殷十一月

二十八日戊子於夏爲十月是時歲星在張十三度張鶉火也  
錢詹事曰此周人述周事必無差誤以三統術推之得是歲  
積次四百十五定次七起星紀算外歲在鶉火又以六十除  
積次餘五十五起丙子算外太歲在辛未他書或云己卯或  
云辛卯皆非也又推得是歲殷十一月辛酉朔其月二十八  
日得戊子韋說是也蓋謂距統首積日一十九萬二百六十  
四也珠嘗以積日通爲一千五百四十二萬三百八十四分  
如月法而一得積月六千四百四十二不盈月法者餘數二  
千一百二十以月法乘積月以日法除之得一十九萬二百  
三十七日以六十除之得三千一百七十六餘三十七故錢  
氏以爲殷十一月辛酉朔小餘六十七又以日法除不盈日

法之餘數二千一百二十得二十六日小餘一十四并兩小  
餘六十七與一十四盈日法而成日則武王發師之日距統  
首積月六千四百四十二又二十七日也故戊子爲殷十一  
月之二十八日又三日而周正月天正建子辛卯合朔二十爲王  
辰武成所謂一月壬辰旁死魄是也錢氏又推得是歲積度  
二十六起柳九度算外當入張十三度

月在天駟 解天駟房星也謂戊子日月宿房五度

錢詹事曰戊子日夜半月在氏八度五百七十九分其夕加

時在亥月行入房五度

每一時月行一度  
一百七十五分半

日在析木之津 解津天漢也

謂戊子日宿箕七度也錢詹事曰戊子日夜半日在箕六度

大強加時在丑入箕七度

辰在斗柄 解辰日月之會斗柄斗前也謂戊子後三日得周  
正月辛卯朔於殷爲十二月夏爲十一月是日月合辰斗前一  
度也

錢詹事曰日月合辰在箕十度少距南斗一度有奇

星在天龍 解星辰星也天龍次名一曰玄枵從須女八度至  
危十五度爲天龍謂周正月辛卯朔二日壬辰辰星始見三日  
癸巳武王發行二十八日戊午度孟津距戊子三十一日二十  
九日己未晦冬至辰星與須女伏天龍之首也

漢志載三統術云明日己未冬至農星與婺女伏歷建星及  
牽牛至於婺女天龍之首故傳曰星在天龍錢詹事曰云明



日己未冬至慶星與婺女伏不云戊午伏者蓋五星距日十五度以外而見十五度以內而伏若正當十五度則在見伏之交上云始見言自此以後乃見此竟云伏則始伏在其前可知云歷建星及牽牛至于婺女天黿之首者言水星夕見內自二十四日甲寅以後三日又一時在天黿之次以證傳星在天黿也韋云伏天黿之首與術不合

星與日辰之位皆在北維 解北維北方水位也

珠案淮南天文訓曰帝張四維東北曰報德之維許慎注四角爲維今星在須女女虛危室本在北方宿日在析木之津自尾十度至斗十一度也尾爲東方之宿斗牛爲東北之宿東北曰變天其星箕斗牽牛亦見天文訓則北維者言北方

兼言東北也解義未備

則我皇妣太姜之姪 解女子謂昆弟之子男女皆曰姪

爾雅釋親女子謂昆弟之子爲姪郭注在傳曰姪其從姑邵  
學士曰公羊莊十九年傳云姪者何兄之子也成二年傳云  
蕭同姪子者齊君之母也左氏襄二十三年傳云繼室以其  
姪皆專指女子子而言然喪服大功成人章云姪丈夫婦人  
報傳曰姪者何也謂吾姑者吾謂之姪鄭注爲姪男女服同  
是女子於昆弟之男子女子子均稱爲姪不專指姪弟也

憚其犧也 解純美爲犧

案廣韻引書傳色純曰犧蓋商書殷民攘竊神祇之犧牲牲  
傳也小雅與我犧羊魯頌享以騂犧傳俱云犧純也禮郊特

牲用犢貴純之道也注純謂中外皆善然說文止云犧宗廟之牲也賈侍中說犧非古字

田于鞏 解鞏北山今河南縣也

左氏昭二十五年傳尹文公涉于鞏注於鞏縣涉洛水也前漢書地理志洛水出弘農上洛縣冢嶺山東北至鞏縣入河疑冢嶺卽北山又案洛陽成周之地漢爲郡宋初洛陽河南二縣今韋云河南則非始于宋初

而幽王蕩以爲魁陵 解小阜曰魁

案廣雅魁大也呂覽勸學篇不疾學而能爲魁士名人者高誘云魁大之士史記孟嘗君傳云始以辭公爲魁然也今視之乃眇小丈夫耳皆以大爲義今云小阜者亦反相爲訓也

說文自小官也

自徐鉉以爲俗惟字

自與魁壘韻音同故義亦同

甚叔必速及 解叔弘字也

索引以多大爲義易曰含弘光大爾雅釋詁弘大也叔以少小爲義說文未小豆也爾雅釋親父之舅弟後生爲叔父廣雅叔父也釋名同王尚書曰名字者自昔相承之詁言也義相比附文相注釋三代詁訓於是乎存爰攷義類以定對文之例如沒字子明宛字子惡之類弘之字叔蓋以對文也勤百姓以爲己名 解名功也

周官司勳凡有功者銘書于王之太常禮祭統曰銘者論譔其先祖之有德善功烈勳勞慶賞聲名列於天下而酌之祭器自成其名焉瑑案古有名無銘韋以功訓名猶言自銘其

功爾

國語翼解卷二終

益陽蔡芳初校

南海羅崇齡覆校

番禺陶福祥再覆校